

Nuraghe S'orcu'e Tueri - Foghesu



Su nuraghe S'orcu'e Tueri dòminat s'altura calcàrea a sud-ovest de su comunu de Foghesu. Su nuraghe est formadu dae una turre printzipale, duos corpos agiuntos a custa ùrtima, pogiados a s'antemurale pro bona parte de su perimetru e is restos de unas cantas pinnetasas. Totu is istruturas sunt costruidas cun blocos de calcare. No est in bonu istadu de cunservatzione, ma est bene cunservadu s'intrada printzipale architradadu cun fentaneda de iscàrrigu e is restos de un'iscala. A calicuna chentina de metros de distàntzia in diretzione nord-ovest ddoe at una gruta longa una deghina

de metros impreada comente necròpoli. Sos restos agatados sunt istados istudiados e torrant a su perìodu nuràgicu.

COMENTE ARRIBBARE

Movende dae su tzentru de Foghesu tocat a andare in diretzione Scalepranu (SP13 conca a sud). Percursos pagu mancu de 2,5km s'intrada pro su nuraghe abarrat a sa dereta, ddoe t unu parchègiu isterradu e su cartellu descritivu de su situ archeològicu. Pro lòmpere a su nuraghe est a caminare 5 minutos longu su caminu isterradu.

INTRADA lìbera.